

## Құрметті Манаш Қозыбаев атындағы Солтүстік Қазақстан мемлекеттік университетінің ұжымы!

Сіздерді Университеттің жарқын да қуанышты 80 жылдық мерейтойымен Рудный индустриялық институты ұжымының және жеке өз атымнан шын жүректен құттықтаймын!

Сексен жыл уақыт ішінде университет еліміздегі көпбейінді ірі жоғары оқу орындарының қатарынан беделді орынға ие болды. Университет өз даму жолында тек жоғары білім ошағы ғана емес, сондай-ақ солтүстік өңірдің білім мен ғылым, мәдени және зияткерлік орталығы болып танылды.

Университеттің мамандар даярлау саласындағы қызметінің жемісі ұшаңтеңіз. Қоғамның әр саласының тасын өрге домалатып, әлеуметтік-экономикалық, гуманитарлық, жаратылыстану, ауыл шаруашылығы және техникалық ғылымдарының мыңдаған мамандарын даярлап, ел Үкіметінің салааралық бағдарламаларын орындауды білікті кадрлармен қамтамасыз етудің қас шеберіне айналды. Университет түлектері бүгіндері белгілі тұлғаларға айналып, қоғамның түрлі салаларында көзге көрінуде.

Еңбекқұмарлық, нақтылық пен тапқырлық сияқты құндылықтар Университет ұжымының күнделікті қызметінде көрініс тауып, соның арқасында Университет сапалы білім беріп, жылдан-жылға мол жетістіктерге жетуде. Әсіресе, әлемдік дағдарыс дүниежүзілік экономиканы есеңгіретіп жатқанда, еліміздің еңбек нарығын бәсекеге қабілетті жоғары білікті кадрлармен қамтамасыз ету және оның алдағы уақыттағы мызғымас сенімді қорын қалыптастыру міндетін Университет бүгінгі таңда табысты орындап отыр.


Солтүстік Қазақстан өңірінің жастарына білім беріп, көкірегіне саңылау ұялатқан университеттің жолы ашық, бағыты айқын, болашағы жарқын болмақ.

Осы жарқын да мерейлі мерекеде Университет ұжымына зор денсаулық, шығармашылық шабыт, отандық жоғары білім мен ғылымның даңқын асырудағы игі істеріне мол табыс тілеймін!

Ізгі ниетпен,  
Рудный индустриялық  
институтының ректоры



А. Найзабеков





**80 ЖЫЛ**